

四庫全書

史部

欽定四庫全書

廟學典禮卷四

王御史言六事

行御史臺至元二十九年四月日劄付該據監察御史
王龍澤呈竊照卑職舊隱金華專意書冊地勢幽遠人
跡鮮至不出門戶垂二十年所見無名山大川之勝所
聞無偉人達士之言及今誤蒙拔擢俾任察官願效朴
忠深虞寡陋既居職守何敢不言輒因書生之所深知

平日之所親見者條為學校六事陳述於左一曰定建學之規以正風俗三代盛世禮樂具舉莫不有學雖庠序學校之名沿革不同而勸民興學之意後先則一即目各道州縣有見設學校去處或微有隳廢失時修營或舊曾歌頌遂至覆壓或初制淺陋或舊無規矩或為過客之館舍或為軍伍之聚廬借為設局往來遊宴且如兩淮來安清流諸縣舊無學校為日已久其間頽廢局促十而八九卑職鄉郡之武義縣學不修廢壞為甚

先聖廟宇糞土堆積明倫堂後稅務指占至於齋舍稅
官鋪軍居止上安下恬官莫之禁即此推之非所目見
如此類者必多甚非所以欽崇先聖興起士風之意謂
宜令各處舊有廟學遇有損壞即時修營舊無廟宇隨
力建創立以期限務要完整歲時朔望行禮唯謹各處
承流宣化之官及合廟謁人員或有慢怠不至者官吏
罰俸人士罰直入學置冊脩理公支庶幾震動民聽新
美善化之意二曰立養士之法以育人材三曰設課試

之程以考行藝四曰黜浮薄之文以明經理五曰隆樂
善之禮以崇有德六曰嚴教道之責以勸小學又照得
各道廉訪司以宣明教化為職按行監臨之地常切考
驗成否歲終逐項開申繼今而後不致玩弛庶幾古昔
之盛復見今日呈乞鈞詳事憲臺除其餘四事開坐移
咨御史臺照驗外照得近准御史臺咨奉聖旨節該
屬孔夫子廟田地根腳裏不是官司底來是秀才每置
來底田地同和尚先生田地一般分付各處孔夫子廟

秀才每為主出來底錢糧脩理孔夫子廟春秋丁祭朔望祭祀者交教養人材者若窮寒年老無倚靠底好秀才每呵那的每根底養濟者欽此已經遍行合屬依上施行去訖今據見呈武義縣學廢壞明倫堂後稅務指占齋舍鋪兵居止等事合下仰照驗行移合屬即便欽依所奉聖旨事意將所指務官軍人起移他處應據舊有屬學堂舍地土責付縣學脩整完備春秋朔望依例祭祀勉勵學校毋得違錯如有似此去處依上禁治施

行

劉付浙東
海右道

廟學田地錢糧分付與秀才每為主

御史臺至元二十九年四月呈該照得先為南人石國
秀尹應元陳獻江南諸路瞻學田土認辦課程三千定
官為收係所在學校廢壞文風墮地至元二十年有本

臺崔中丞言

云云具在第一卷復石國秀尹應元所獻
學田條內自三代漢唐至豈止百萬頃學

田之
比哉

得此呈准中書省劉付江南瞻學田產所收錢糧

合令所在官司明置文簿另行收貯如遇脩理廟宇春

秋釋奠朔望祭祀學官請俸住學生員食供申覆有司
照勘端的依公支用若有耆宿名儒實無依倚者亦於
上項錢內約量給付毋令不應人員中間作弊除貢士莊
錢糧係開選用度合聽官為拘收外贍學錢糧合令學
官收貯依公支用至元二十三年中書省奏奉聖旨節
該江南立學校贍學錢糧分付各學為主至元二十四
年南人葉李上言改鈔法柄用王桑噶設立尚書省朋
姦黨惡專務聚斂差詹玉等一十人分道前去江淮荆

湘閩廣兩浙等處理筭各路贍學錢糧盡數起解交付
集賢院營運以便其私所差人等苦害儒生南方學校
極弊大壞至元二十八年政化更新奸黨誅斥併尚書
省為中書省累准行御史臺咨節該近年以來為起解
贍學錢糧公事所差官如詹玉楊勗等皆以刻覈聚斂
為功逼吉州路學教授劉夢薦自刎淮海書院鄭山長
杭州路王學錄等自縊諸學不勝其擾近承奉中書省
劄付備集賢院呈江南學田錢糧若依江淮行省并國

子監所擬令學校官管領贍養生徒官司不為理問相應仰議擬呈省承此本臺因議得江南路分貢士莊田地照依已行合聽所在官司取勘見數官為收係其各路元屬孔夫子廟贍學田地每年所產錢糧擬合聞奏分付廟學依舊為主如遇脩理廟宇春秋祭丁朔望祭祀學官請俸住學生徒食供及有耆宿名儒貧無依倚者於上項錢內依公養贍仍令肅政廉訪司常切監臨體察無致冒濫侵欺違者究治如此似為相應於至元

二十九年正月十一日太傅御史大夫裕魯諾延崔
中丞慶安經歷奏過事內一件江南屬孔夫子廟底田
地有那田地裏出來底錢糧桑噶立尚書省呵差歹人
每前去取將這裏來也多交秀才每生受來如今中書
省官人每俺根底與將文字來商量了擬定說者麼道
與將來俺如今驗看文書商量分揀擬定來江南路分
裏有底貢士莊名字底田地根腳裏不屬孔夫子廟交
行省行臺差人取勘數目合教屬官者屬孔夫子廟底

田土根腳裏不是官司底來是秀才每置來底田地同和尚先生田地一般已前中書省御史臺奏奉聖旨分付與秀才每來如今皇帝可憐見呵依前體例裏分付與各處孔夫子廟秀才每為主每年那田地裏出來底錢糧呵修理孔夫子廟春秋祭丁朔望祭祀者交教養人材者若有窮寒年老無倚靠底好秀才每呵那底每根底養贍者這般行呵是底一般欽奉聖旨那般者欽此本臺除已移咨行臺并下各道肅政廉訪司欽依外

合行具呈中書省照詳移咨各處行中書省欽依施行

前件係抄連
御史臺元呈

江浙等處行中書省至元二十九年五月

劄付該照得近為浙西道儒學提舉司等處申贍學田糧事本省議得至元二十三年中書省奏奉聖旨與了秀才了當江南僧道秀才自來各有置到養贍田畝產業其僧道產業依舊隸屬寺觀秀才田土已有欽奉聖旨與了秀才即合與僧道一般聽從秀才脩葺文廟養贍生徒官司不必理問是為相應移咨中書省咨該又

據集賢院呈亦為此事於至元二十九年正月十一日
太傅御史大夫裕魯諾延崔中丞慶安經歷奏過事內
一件江南屬孔子廟底田地有那田地裏出來底錢糧
桑嚙立尚書省呵差歹人每前去取將這裏來了也多
教秀才每生受來如今中書省官人每俺根底將與文
字來商量了擬定說着麼道與將來俺如今驗着文書
商量分棟擬定來江南路分裏有底貢士莊名字底田
根脚裏不屬孔夫子廟交行省行御史臺差人取勘數

日合教屬官者屬孔夫子廟底田地根腳裏不自官司底來是秀才每置來底田地同和尚先生田地一般已前中書省御史臺奏奉聖旨分付與秀才每如今皇帝可憐見呵依在前體例裏分付與各處孔夫子廟秀才每為主每年那田地裏出來底錢糧呵脩理孔夫子廟春秋祭丁朔望祭祀者交教養人材者若有窮寒年老無倚靠底好秀才每呵那底每根底養贍者這般行呵是的一般欽奉聖旨那般者欽此除外具呈欽依事都

省除外今抄元呈在前咨請照驗欽依施行事准此省
府除外今將御史臺元呈抄連在前合下仰照驗欽依
聖旨事意施行

劉付浙東
道宣慰司

教授俸例

中書省至元二十九年七月劄付至元二十九年五月
十六日奏過事內一件各處漢兒城子裏蒙古字教授
醫學教授這兩枝兒吃俸錢有儒學教授無俸有也依
着那體例與俸錢呵怎生商量來麼道奏呵那般者麼

道聖旨了也欽此送戶部照勘到各支俸例都省議得
除江淮等處已有學糧去處不須支俸外今將各各俸
例開坐前去除已行移合屬自至元二十九年閏六月
為始支付外合下仰照驗施行各路每員月支一十二
兩散府每員月支一十一兩上州每員月支一十一兩

中州每員月支一十兩

劉御史臺

三教約會

至元三十三年正月初九日阿都台集賽第一日紫檀

殿裏有時分浩爾齊托歡舒庫爾齊圖列台伊魯特穆爾錫保齊濟爾噶朗濟爾噶和塔拉特穆爾扎薩固遜特穆爾布哈必齊齊蒙克托迪這的每本院官托音達什愛滿額特布延克圖呼必布哈參議等奏過事內一件托克托察楚克等行宣政院官人每與將文書來這裏的和尚每先生每秀才每一處告爭差的言語有呵和尚每的為頭兒的先生每的為頭兒的秀才每的為頭兒的一同不問先生秀才每管民官根底私地下告管着先生

每的秀才每的為頭兒一同不問管民官與和尚的頭目一同問着如今和尚每的先生每的秀才每的一處有着爭差的言語呵和尚每的為頭兒的先生每的為頭兒的秀才每的為頭兒的一同問者麼道與將聖旨來的說將來有俺商量的去年俗人與和尚每有爭差的言語呵和尚每的為頭兒管民官一同問了斷者和尚每根底休教斷者麼道聖旨與將去了來如今和尚一處先生每秀才每有爭差的言語呵管民官一處休

教問和尚每為頭兒的先生每的為頭兒的秀才每的
為頭兒的一同問者麼道聖旨與將去呵怎生奏呵那
般者麼道聖旨了也

中書省至元三十年五月咨
行省該宣政院呈欽奉到

又至

元三十年正月某日欽奉皇帝聖旨行中書省行樞密
院行御史臺泉府司宣慰司廉訪司轉運司官人每根
底城子裏達魯噶齊官人每根底管軍官每根底軍人
每根底百姓每根底宣諭的聖旨托克托察楚克為頭兒行
宣政院官人每奏將來年時俗人每和尚每一處折證

的言語他每的有呵管民官每和尚每的頭目一處問了歸斷者俗人每休斷和尚者麼道聖旨有來如今和尚每先生每秀才每折證的言語他每的有呵先生每的秀才每的頭目每一處不問了先生每秀才每民戶的官人每根底廉訪司官人每根底下頭背地裏告呵管民官和尚每的頭目每一處問有麼道奏來如今呵依着在先聖旨體例裏俗人和尚一處折證的言語他每的有呵管民官每和尚每的頭目每一處問了歸斷

者別箇和尚每先生每秀才每一處折證的言語他每
的有呵和尚每的頭目每先生每的頭目每秀才每的
頭目每一處問了呵歸斷者和尚每先生每秀才每其
間裏折證的言語他每的有呵民官每休問者麼道這
般道了呵問的民官每廡訪司官人每有罪過者麼道
聖旨俺的蛇兒年正月十二日大都有時分寫來
辯明儒人難同諸色戶計

江南浙西道肅政廉訪司分司至元三十年十一月日

指揮據鹽官縣學教諭黃謙之呈據本學儒戶楊厘等
狀告近承奉司行下為修築海塘公事因奉上司劄付
有不問投下是何諸色戶計指揮被縣吏不問元係免
投儒戶亦作投下戶計與民一體科差勾擾伏覩江南
浙西道肅政廉訪司榜文內一件該欽奉聖旨節該今
後在籍秀才做買賣納商稅種田納地稅其餘一切雜
泛差役並行蠲免所在官司常切存恤欽此照得各處
官司故縱胥吏違背詔書舞文弄法往往將儒人戶計

與民一體當差除已行移各路戒約所屬欽依聖旨施行仰司縣官今後本處附籍儒戶除種田納地稅買賣納商稅外民間一切雜泛差役欽依聖旨蠲免毋得亂行勾擾雷例差撥如違定將判署官以故違制書之罪罪之今來本縣將儒戶雷例科差夫役顯見違別制書告訖施行得此憲司照得元欽奉聖旨止該軍站禮樂戶及弘州納麵戶計和顧和買一例均當別不曾該載儒戶亦無雜泛差役語勾據此除外合下仰照驗欽依

聖旨節該今後在籍秀才做買賣納商稅種田納地稅其餘一切雜泛差役並行蠲免所在官司常切存恤毋

得違錯

下鹽官縣

浙東道儒學提舉司至元三十一年二

月指揮承奉浙東海右道肅政廉訪司分司指揮該來申儒戶與醫戶係一體事理誠恐司縣將儒人動搖不安訖照詳事得此憲司除已移牒紹興路依例施行外合下仰照驗施行承此照得近據本路儒學狀申亦為此事又照得近會驗到江浙等處官醫提舉司申奉到

省府劄付該元准都省咨文別不曾令此項戶計應當
雜泛差役等事奉此儒司參詳醫儒戶計即係一體事
理為此已經牒呈本路總管府并下本處學院依例除
免施行及申覆浙東海右道肅政廉訪司分司照詳去
後今承前奉除已再牒本路總管府照依肅政廉訪司
分司所行仍欽依累降聖旨將所管在籍儒戶除免雜
泛差役外合下仰照驗依上施行

下紹興
路儒學

省府檢照至

元二十九年八月初四日奏過事內一件節該太廟裏

禮樂戶四百餘戶弘州納麵的戶計和顧和買事不分
軍站民戶衆人均勻着者欽依施行外有常州路申行
省欲令水馬站戶醫儒等戶與民一例當差因而動搖
遂蒙憲司及醫儒提舉司申明迺獲除免

添設教授

翰林國史院至元三十年十二月二十五日關近准來
文承奉中書省判送擬議添設教官事准此照得先准
吏部呈亦為此事已經委請本院學士王嘉議等官擬

議外今准國子監備本部郎中王奉訓牒該添設之由
本因闕少若科設一教授恐醫學指例不亦冗乎正合
選採該博通儒一員俾充教授亦自省減俸錢請一就
擬議明白希公文回示准此施行間准翰林學士王承
旨留中奉等官牒近見集賢院學士傳通議建明添設
儒學教授事其間猶未詳悉照得宋時儒人合入教授
名闕本郡多是兩員又諸處書院山長亦是教授資格
元不曾隨科設立自歸附以來各處教授員數或一或

二因循未有定例又有隨路及府州之別路教授例不輕注却緣江南自来皆是府州通為列郡如今却是一路即日江南諸郡多為路所以散州散府十無一二今吏部初注路教人員例注府州以此闕少員多選法濫滯坐困孤寒當職等以為若准傳學士所呈每郡各設教授二員實為允當初不分別經賦添設置行省宣慰司所在各道都會去處留此名闕以待經任該博名儒外其餘不限路州府軍止作一體通注正合舊例又免

淹滯在都人員況江南學校皆有養士錢糧學官俸給
就內支破即不支費國家正俸牒請照驗行移合屬定
奪施行准此當院議得集賢學士傳通議翰林學士承
旨留中奉等官牒該添設教官事實為允當合行移關
請照驗施行

關中書
禮部

保勘教授

中書省至元三十年七月咨禮部呈照得在先選取教
官皆憑本路保申抄錄廉訪司體覆牒文委是堪充師

範將親筆文字十篇申部行下集賢院司直司轉申本院下國子監考試中程司直司申部於教官內銓注元行如此近年以來各路止憑儒人保舉別無儒學正官保結上下相蒙關節附會將年少晚進保充雖有文十篇亦未知是本人親作或假手於人監學考校有稱可以模範一路可以學正錄教諭高下不等即自人人希望恥作以次學官窠闕塞滿調選誠難切詳教授瞻仰師尊釋奠焚香在諸儒人之首講書會課坐正席之中

生員聽其傳經路官與之抗禮晚進年少恐難服衆果
能顏淵德行賈誼高材不拘此限而又今之教授月有
俸給任有出身豈宜縱令散儒濫保莫若立法今後薦
舉學職責任教授須用保結所錄文字即非假手委是
中程堪以傳授年高德劭為衆推服堪充教授或學正
錄教諭如是已後但有虛冒發露到官將教授量情降
罰教授恐其累已庶可覈真具呈照詳都省除外咨請

依上施行

咨江西
行省

陞用教授資格

中書省至元三十年七月十二日咨來咨各處書院合設是何職名今後選擬教官定例請照驗准此送吏部照得除揚州嘉興杭州平江各設教授二員其餘去處合依至元二十年額設員數依差設學教授官例學錄教諭一考陞學正學正一考陞府州教授府州教授一考陞路教授又照得江南各處書院止設山長受行省劄付此同學正出身一考於府州教授內任用都省咨

請依上施行

咨福建
行省

學正三年滿考

江西行省至元三十一年月劄付據儒學提舉司申瑞
州路學正楊震仲呈至元二十九年五月勾當今至元
三十二年五月方及三週年訖依至元新格內事理三
週年滿替卑司看詳今後各學正錄山長合無照依職
官格例以三週歲為任滿唯復照依元奉國子監指揮
三十箇月為考滿給由遷轉訖明降得此照得近准都

省咨學錄教諭一考陞學正學正一考陞府州教授今據見申照得至元新格諸職官在外以三週歲為任滿據山長學正即係學職仰照驗施行

廉訪司體察教官學職

浙東海右道肅政廉訪司至元三十一年正月二十日指揮該照得前按察司申奉到行御史臺劄付教授山長照依定例體覆外據學正學錄教諭等職今後須憑鄉曲善士公同舉保文行兼備衆所敬服可為後進師

範之士提舉司保結移文提刑按察司牒文資正官體
覆如實相應准回文方許委用承此已經遍行照會去
訖又照得近准本道肅政廉訪司分司牒今後提舉司
應保儒職須要依例推選真才實學純正之士明白擬
銓近闕申司體覆相應然後照會勾當准此亦已行下
儒學提舉司依上施行去訖在後節次據儒學提舉司
申婺州路儒學保舉到儒人堪充學院山長正錄教諭
等職移牒文資正官體覆相應行下提舉司照驗了當

至元三十年七月十九日承奉行御史臺劄付准御史臺咨承奉中書省劄付禮部呈今後薦舉學職責任教授人員須要保結所錄文字委是親作即非假手又須結保所錄文字委是中程堪以傳授又須保結年高德劭今壽幾何委是為衆推服又須保結委是堪充教授或正錄教諭如是以後但有虛冒不實發露到官止將教授量情降罰教授恐其累已選舉庶可覈真仰依例體察施行承此已經移牒監治各路分司依例體察施

行外今又據儒學提舉司申保到儒職文解止依舊例
申司體覆有此差池憲司看詳儒門教官乃後進之本
源模範作育人材以備時用今奉選例委自教授薦舉
責任甚重務要實行除已依例體察外相度合下仰照
驗今後薦舉儒職須要教授依例保結就便依例施行
繳連本人所業文字申司照驗毋得亂申體覆違錯先
具依准甘結申來

下浙東道儒
學提舉司

正官教官訓誨人材議貢舉撥學田

至元三十一年四月十四日皇帝登寶位詔赦內一款
學校之設所以作成人材仰各處正官教官欽依先皇
帝已降聖旨主領敦勸嚴加訓誨務要成材以備擢用
仍仰中書省議行貢舉之法其無學田去處量撥荒閒
田土給贍生徒所在官司常與存恤

崇奉孔祀教養儒生

至元三十一年七月日皇帝聖旨諭中外百司官吏人
等孔子之道垂憲萬世有國家者所當崇奉曲阜林廟

上郡大都諸路府州縣邑應設廟學書院照依世祖皇帝聖旨禁約諸官員使臣軍馬毋得於內安下或聚集理問詞訟褻瀆飲宴工役造作收貯官物其瞻學地土產業及貢士莊諸人毋得侵奪所出錢糧以供春秋二丁朔望祭祀及師生廩膳貧寒老病之士為衆所尊敬者月支米糧優恤養贍廟宇損壞隨即修完作養後進嚴加訓誨講習道藝務要成材若德行文學超出時輩者有司舉保肅政廉訪司體覆相同以備選用本路總

欽定四庫全書

廣學典
卷四

管府提舉儒學肅政廉訪司宣明教化勉勵學校凡廟學公事諸人毋得沮擾據合行儒人事理照依已降聖旨施行彼或恃此非理妄行國有常憲寧不知懼欽此
還復瀛溪書院神像

行御史臺至元三十一年八月日劄付該據嶺北湖南道肅政廉訪司申准金永道州分司牒道州瀛溪書院收藏亡宋御史道州瀛溪書院六字及樓閣內有金篆牌匾該寫宸奎閣三字又有收頓御書小閣子一箇并

亡宋省劄一道看詳宋自亡國之後江南歸附近二十年上項文字即係亡宋御書上有故實印文學舍相沿收掌往來士庶人等遞相傳翫詳此合行拘收焚毀今藏之學舍實為未便又見書院正廳塑像七位問得係是亡宋封贈濂溪先生周元公等為此會驗江南諸處書院供依宣聖廟例塑孔子神像其濂溪書院既是學舍又有萬壽牌合塑宣聖神像諸儒朔望謁奠於禮為當其濂溪先生等却係亡宋道學之士其教出於孔子

縱有明道輔世之功終是人臣不當據素王之位合議
改正當司除前項亡宋御書并省劄追收到官就取訖
本院學士湯鼎不合不行具申本管上司區處依前收
留在學招伏契勘江南諸處學校并亡宋故官之家恐
有似此收藏亡宋御書故實文字若不一體拘刷誠恐
滋長奸偽愚民易惑妄生事端當司除書院合改塑宣
聖一節省會道州路改塑外今將追到前項亡宋御書
省劄牒請收管施行准此卑司照得道州乃濂溪先生

本鄉後人思慕為之立祠至亡宋理宗始賜書名額本
州已有文廟塑立孔子神像書院遂因其舊址立濂溪
先生像貌以弟子二程先生等列位其次今已年遠看
詳濂溪書院改塑孔子神像及拘收亡宋御書等事節
係集賢院翰林院講究事理為此移牒道州全永分聽
候外將拘收到亡宋御書省劄繳連申訖明降事得此
送察院議擬去後回呈議得濂溪先生學續千載道傳
二程維持綱常發明仁義實大惠於學者乃有功於聖

門學被斯民禮宜通祀豈止鄉土一祠而已但國家混一之初未有定例况禮云非天子不議禮不制度不考文蓋禮樂者自天子出也有司不敢擅自定奪其庶訪司官所至之處勉勵學校宣明教化申理冤獄建白利病顧此不為乃擅自改易廟像甚非所宜亡宋御書牌匾即係前代事理况腹裏并江南僧道寺觀皆有異代牌匾碑石豈獨濂溪書院江南四省書院非一恐復有不知典故之人私意更改深為未便宜咨御史臺具呈

中書省送禮部集賢院翰林院講究區處呈訖照驗事
得此照得至元十三年二月內欽奉聖旨宣諭條畫內
一款名山大川寺觀廟宇并前代名臣遺跡不許拆毀
欽此剗付本道欽依聖旨事意施行及移咨御史臺照
詳去後今准回咨本臺看詳諸處寺觀收頓古今書畫
墨跡碑銘碑面處處有之中間別無禁制此係動衆擾
人事理難議施行理合欽依聖旨事意條理學校歲時
致祭聖帝明王忠臣烈士移准上都御史臺咨合准所

擬相應咨請照驗准此憲臺合下仰照驗施行

劉浙東
廩訪司

山長充教授廩訪司體覆

中書省元貞元年三月日咨該來咨景星書院山長盛應春勾當過四十箇月係都省咨發人員請定奪准此送吏部照擬回據呈該施行間准翰林國史院關盛應春元係本院試中都省准擬人員難同初保入仕如充江南各路教授相應本部照得各處行省咨到考滿學正山長俱令廩訪司體覆及錄連所業文字移集賢院

考校中式於教授內定奪盛應春雖經翰林院考試都
省咨發委充山長合陞教授終是未經體覆合咨行省
依上施行都省咨請依上施行

咨江西
行省

教官任滿給由

行御史臺元貞元年四月日劄付該據江南湖北道肅
政廉訪司申准監治常澧分司簽事趙奉訓牒照得欽
奉聖旨條畫內一款節該提刑按察司所至去處勉勵
學校宣明教化欽此又至元二十九年御史臺奏過事

內一件節該江南屬孔夫子廟底田地裏出來底錢糧
皇帝可憐見依前體例裏分付與各處孔夫子廟秀才
每為主每年那田地裏出來底錢糧呵脩理孔夫子廟
春秋祭丁朔望祭祀教養人材者這般行呵是底一般
奉聖旨那般者欽此憲臺合下仰照驗欽奉聖旨事意
常加監臨體察毋致中間冒濫作弊違錯又欽奉詔書
內一款節該學校之設所以作成人材仰各處正官欽
依先皇帝已降聖旨主領敦勸嚴加訓誨務要成材以

備擢用仰中書省議行貢舉之法又欽奉詔旨節該孔子之道垂憲萬世有國家者所當崇奉其贍學地土產業及貢士莊諸人毋得侵奪所出錢糧以供春秋二丁朔望祭祀及師生廩給廟宇損壞隨即脩完作成後進嚴加訓誨務要成材有司保舉肅政廉訪司體覆相同以備選用欽此照得常灋直學各狀呈首教授人等侵使學糧不公等事另行外竊謂學校乃風化之源人材所出之地職教者可不謹其選歟近年以來委任不得

其人教養之道寂然無聞侵蠹之風相扇成俗其視學廩不啻已物營私規利侵破不存坐視廟學隳頽不顧祭器損闕經板散失畧不脩完在學有聖像書籍盜移馳送官員甚者將學舍拆毀田糧隱瞞枵腹而來飽載而去任滿得替結托本處官司饋賂提舉司官吏椿捏虛文褒美濫行保舉欺誑上司別求選用且如教授學正提舉司保申學錄以下自行委用為提舉者不問其壽幾何學業優劣德行有無以苞苴之多寡為職事之

高低以致僥倖躁進之流無才有力者得以濫處師席
老成前輩有科名者恥與此曹為伍介然自守不可出
仕此等之人營幹之時既有所費到任之後窺伺學廩
惟務吞圖是以禮義風衰廉恥道喪欲求其教行俗美
作成人材也難矣向者石國英陳言以為學糧無益可
以拘沒入官遂致詹玉之徒恣行慘酷迫脅教官致死
亦此曹有以自取之也且教授之職例歷兩考轉入流
官既為師儒已有侵盜之名一朝理民鮮不為貪婪者

矣推原其由蓋因有司不以吾道為念姑息之過任滿不行依例給由雖有過惡無由上聞所以肆無忌憚欽惟聖天子即位之初渙頒明詔首以教養人材議行重舉為急務為今之計必欲學校脩明在選舉儒師為重今後宜嚴責各道廉訪司文資官從實體察及戒約提舉司以每歲舉用當否定為黜陟之例仍從國子監命題引試相應綜名核實然後注授已後考滿須要將仕內收支錢糧教養生員月書季攷課業實跡又廟學房

舍經史書籍圖誌版文祭器一切係官物件交割明白
依例開寫從本處官司給由廉訪司體察相同別無侵
欺粘帶過犯方許求仕如此庶望職教得人僥倖冒濫
之弊可以少革禮義廉恥之風得以復明其於國家化
民成俗作養人材之意未必無少補也牒請照驗准此
申訖照詳事得此憲臺除選注學官移咨御史臺照驗
外據其餘事理合下仰照驗體察施行

劉浙東
廉訪司

設立隨省儒學提舉司

江浙等處行中書省元貞元年月劄付准中書省咨元貞元年五月初七日奏准江南儒學提舉司各省各存留一箇其餘宣慰司有的罷了者欽此除欽依外劄付禮部鑄造到下項印信都省除已責付本省儒學副提舉陳友龍收管前去咨請收管依例發落就追舊印咨發施行准此除外今將發到本司從五品銅印一顆就令副提舉陳友龍收領前去合下仰照驗收管行用施

行

劄江浙儒學提舉司

歲貢知吏事儒人

元貞元年七月日聖旨條畫內一欵議行貢舉前詔已嘗及之比及設科以來自元貞二年諸路有儒知吏事吏通經術性行脩謹者各路薦舉廉訪司試選每道歲貢二人省臺委官立法考試必中程式方許錄用如所貢不公罪及選舉官司

完顏簽事請令文資正官兼提舉學校職銜

浙東海右道肅政廉訪司分司元貞元年十一月牒該

准本道肅政廉訪司牒該近准本道監治台慶分司牒
該本道簽事完顏承務牒照得至元六年立按察司欽
奉聖旨條畫內一款節該所至之處勸課農桑問民疾
苦勉勵學校宣明教化又至元三十一年五月內欽奉
詔書內一款節該學校之設所以作成人材仰各處正
官教官欽依先皇帝聖旨主領敦勸嚴加訓誨務要成
材以備擢用又欽奉聖旨節該本路總管府提舉儒學
肅政廉訪司宣明教化勉勵學校凡廟學公事諸人毋

得沮壞欽此除欽依外竊照學校乃人材之所出張國家之治具也內而朝廷外而路府州縣設為庠序樂天下英才而教育之正欲將來以備擢用聖天子即位之初首以學校頒降詔條不為不重也今隨路雖有設立學校所在官司敦勸之道視以為常各處學官與夫提舉司官務以濫保人員分差教諭專為已任於人品之賢否學校之興廢何嘗究心是故學校之設似有若無生員之盛雖多奚益叅詳學校風化之源衣食農桑

之本朝廷尚恐農桑之事有司正官不為用心勉勵且
於職銜兼管勸農以專其任至於學校似緩而實急者
也若照兼管勸農例令路府州縣文資正官兼提舉學
校職銜以遵典故庶使中外究心申明教化期有成效
終任之後於解由開寫以定優劣似望學校不致虛設
作成人材豈曰小補牒請照驗移牒本道肅政廉訪司
更為會議申覆行御史臺照詳施行准此牒請照驗更
為會議備申施行准此備申行御史臺照詳去後今回

奉行御史臺劄付照得勉勵學校已有定例更為行移
有司常切用心提調無致隳廢承此除外牒請行移監
治路分依上施行准此牒可照驗依上施行

牒紹興路

儒戶不同諸色戶計當役

江浙等處行中書省元貞二年四月日劄付該欽奉聖
旨節該據中書省奏江浙等處行中書省平章特穆爾
穆爾布哈等陳說有力富強之家往往投充諸王位下
及運糧水手香莎糯米財賦醫人僧道火佃舶商等諸

項戶計俱各影佔不當雜泛差役止令貧難下戶承充里正錢糧不辦偏重生受乞降聖旨准奏內一款江浙錢糧為數浩大元係富戶催辦今富强者苟避差役下戶承充里正主首以致靠損貧民錢糧不能辦集仰照勘不以是何投下諸色影蔽有田納稅富豪戶計從本省分揀與其餘富戶一例輪當里正主首催辦錢糧應當雜泛差役於內若有疑惑不能與決者具申中書省定奪却不得因而動搖違錯欽此已經通行各處欽依

施行去訖省府議得托克托哈噶拉克齊布琳濟達平章
養老戶計并財賦佃戶生帛戶另行定奪外今照勘分
揀到合當合免各色戶計并合行事理開坐前去仰照
依聖旨事意施行於內若有疑惑不能與決者具申中
書省定奪却不得因而那上趲下放富差貧一槩動搖
違錯一合免里正主首雜泛差役項下一件儒籍內自
來委係儒人戶

劉付紹
興路

欽定四庫全書

史部

廟學典禮卷

五

詳校官監察御史

臣

劉芬

編修臣程嘉謨覆勘

膳錄舉人

臣

范翔集

膳錄監生

臣

俞錫玉

欽定四庫全書

廟學典禮卷五

行臺坐下憲司講究學校便宜

行御史臺元貞元年六月劄付該據福建閩海道肅政
廉訪司申照得立提刑按察司欽奉聖旨條畫內一款
節該所至之處勸課農桑問民疾苦勉勵學校宣明教
化欽此詔書內一款學校之設所以作成人材仰各處
正官教官欽依先皇帝已降聖旨主領敦勸嚴加訓誨

務要成材以備擢用仍仰中書省議行貢舉之法其無
學田去處量撥荒閒地土給贍生徒所在官司常與存
恤欽此除欽依外方今朝廷清明崇重儒術然獎諭之
文雖篤而教育之方未備平居學校既無素定之規他
時貢舉豈有超羣之士擬合明立教條使之日就月將
庶幾養成材器以待選掄為此畧舉到合行數件判送
福建道儒學提舉司詳細講究連呈去後回申集到福
州路儒學教授熊朋來并學正學錄人等講究到逐項

事理誠恐中間所擬未應繳連到元奉判送申乞照詳
事得此省會福建道儒學提舉司照依所據事理依上
施行如委於學校有所裨益堪以為例通行開具保結
申司去後未到間九月十六日承奉行御史臺劄付該
准御史臺咨准頒降聖旨節該孔子曲阜林廟上都
大都諸路府州縣邑應設廟學書院本路總管府提舉
儒學肅政廉訪司宣明教化勉勵學校作養人材及禁
約諸人毋得沮擾等事及有差來官齎擎御寶聖旨到

來開讀訖恭迎前去福建道廟學欽領安奉外今據儒學提舉司申遵依將講究到學校逐項合行事理依上施行委於學校有所裨益堪以為例若蒙通行各路一體施行吾道幸甚保結申乞照詳事得此卑司開坐申乞照詳施行得此行下江東建康道肅政廉訪司行移本道儒學提舉司更為講究擬定申去後今據回申行據提舉司申會集守司建康路儒學教授山長正錄教諭各各職事人等依上講究得與本道學校見行教養

大畧相同似此規繩依上施行俱各相應保結乞照驗
施行得此申乞照驗事憲臺除外合下仰照驗行移所屬
儒學一體施行承此除外合下仰照驗遍下合屬儒學
依奉臺劄內事理施行先具依准文狀申來 一肄業
儒生朔望並須詣學陪拜聽講如無假故不到者仰學
官檢舉議罰前件議得在籍儒人凡遇朔望不犯紅日
並須詣學親筆書名陪拜聽講雍容就列不得諠譁如
有事故者先期具狀經教官給假附簿以憑稽考或未

經請假妄稱事故而不赴學者從舉事檢舉具呈教官
依例行罰徵到鈔數委令司罰置簿收掌以助修學或
充課賞一每月課試之法合照舊例計其分數逐月
載籍終歲考其優劣以定殿最其十二試俱黜者降供
積及十分者春秋二季教官申請本路文資正官詣學
有廉訪司集諸生簾引籍其高下以備歲貢前件議得
官處同到儒人課試擬每月從教官出題或賦論經義史評之類
在籍諸生各供本經全篇每五卷約取一名照舊例魁

名三分亞名二分又次名一分半通榜者各一分教官
考校逐月載籍歲終計其分數以考優劣如十二試積
及十分者次年正月內從教官申請本路文資正官廉
訪司官詣學集及分儒生簾引文義通暢者取首名保
申上司以備歲貢其餘籍記姓名所有十二試俱黜者
降供一季發付本學訓誨逐日在齋習讀伺降供滿日
再行引試中格許令回參其連三月不試者從教官議
罰一朔望講書除職事合選述講議登堂講說外其

諸生並無講說今後合預先出題置立籤筒遍寫該講
生員名姓臨時掣籤背講二次文理不通者降供前件
議得儒學除教官正錄前廊耆舊朔望輪次講說外三
十歲以下十五歲以上儒生常川在學肄業每月朔日
教官預先出題三章揭示廊廡聽其講究精熟置之籤
筒遍寫該講生員名姓至本月望日伺登堂聽講畢請
教官臨時掣籤引至案前對衆將朔日題目講說三次
文理不通者擬降供一季發付本學教導訓誨再行習

讀伺降供滿日引上覆念講說文理通者許令回叅不通者從學官議罰其係籍儒人不依例赴學供講陪拜生員於內多有恃賴見充行省廉訪司總管府典吏貼書學校似難約束許教官具姓申廉訪司經歷司照驗區處各路總管府照驗施行 一在學行供執事生員每日講書會課須當立定成規前件議得在學儒人除前廊耆舊皆亡宋登科貢舍之人逐月朔望輪次講書外東西序耆儒內請每日登堂講通鑑一章然後會食

儒生五十歲以下者各供月課孟月經賦仲月論俱各
全篇季月經疑史評其三十歲以下者各各坐齋讀書
延請講書訓誨日各習所業或雜文論冒小經義唐律
詩之類期以成材十五歲以下者設小學一所教導二
員逐日依小學規式教導施行 一設立小學照依已
行事理施行坐次師席居中左右以次設書卓以右為上諸
生序齒兩兩相對直日設坐師席南兩端鐘設於師席
右名牌設於師席左直日所掌諸物直日名牌上書直日輪次

名姓用畢
紙糊復書

鐘籤筒硯水餅手牌

上書安
詳恭敬

箕帚書卓香爐

界方火鑪諸生所說書名牌

人名以上書姓名諸
生至各認名依次掛

直日

所掌諸事清晨灑掃溫誦舊書專監視諸生不如法者

舉之諸生晨參講書會食習字呈押試書暮歸並鳴鐘

喝揖諸生所講讀書合用朱文公小學書為先次及孝

經論語早晨合先講小學書午後隨長幼敏鈍分授他

書孝經合用文公刊誤本語孟用文公集注詩書用文

公集傳訂定傳本講說諸生所習字合用唐顏尚書字

樣寫大小兩樣諸生逐日儀式晨叅清晨諸生畢至師
就坐直日鳴鐘一聲諸生以次出門外序立第二聲諸
生以次自正門東方入北面上重行立第三聲喝揖諸
生齊揖班首自西折旋至師前進三步拱手問先生安
否師云復退三步揖折旋入本位直日喝圓揖諸生圓

揖喝就位諸生各就位

中有兄弟叔姪同學候
就位後卑幼者就尊揖

講書直日

與侍立各一人以小學書及籤筒置於書桌昇於堂中諸
生北面重行立鳴鐘一聲喝諸生齊揖拱立初開講日

師先講小學書第一章次日諸生齊揖畢侍立取籤置
師前卓上呼其姓名聞呼者出班自東方折旋入本
位或抽三四籤惟師意畢師復講授第二章講畢鳴鐘
喝揖諸生齊揖畢喝復位諸生各就位誦書諸生就坐
誦所授書或未通曉起立拱手問師再說或齋長先通
師令巡問諸生通否務要熟講精思毋得率畧會食早
食至直日鳴鐘喝揖諸生齊揖就食毋得語言咳唾伺
食俱畢喝揖齊揖以次退就庭中以序行步務為舒徐

母得跳躑戲笑少頃直日鳴鐘各就位午食亦如之習
字直日取硯各置諸生卓上滿貯水諸生各取筆墨習
大字一紙小字一紙務要模倣精工字畫端謹通曉前
賢筆法母得率畧及有浥汙寫畢直日收硯

非寫字時
不得置硯

飲諸生書紙於師前以次呈押畢復散於諸生位試書
直日鳴鐘諸生各執書重行立於師前以次就試當試
者以兩手執書冊度與師或自執或令齋長右立執之
試者揖畢拱立念書畢復揖向前取書冊而退俱畢以

次授諸生書授書以所讀書分班次如十人讀論語則十人為一班直日鳴鐘序立如前儀就師席前聽授講畢齊揖以次退就坐熟誦精思或有疑問如上儀出入則執手牌入則置直日位暮歸如清晨儀但班首於師前道先生安置圓揖畢以次出外序其卑幼各揖尊者直日執諸生名牌從上喝名兩兩而退其有成童願宿齋者從便講讀前件照得設立小學至元三十一年正月內依奉福建閩海道肅政廉訪司指揮議擬上路

設立小學生三十名下路二十名經賦教導各一員每日常川在學肄業朔望與儒生一般陪拜講書每日與儒生一體會食若有願學者聽申奉到福建等處行中書省判送儒學提舉司依例施行奉此已經行下合屬儒學依上施行去訖今擬照依已行事理相應 一各處鄉村小學訓蒙童師所在州縣學官毋得妄行勾擾有妨學業前件議得各處鄉村小學訓蒙童師乃訓誨人家子弟與路州縣別無統攝擬行移咨各路禁約相

應一各處書院山長縣學教諭依例保申體覆委用
無得濫行差設前件照得至元三十年七月內承奉肅
政廉訪司指揮承奉行御史臺劄付准御史臺咨奉中
書省劄付禮部呈該今後薦舉學職責任教授人員須
要保結所錄文字委是親作即非假手又須保結所錄
文字委是中程堪以傳授又須保結年高德劭今壽幾
何委是為衆推服又須保結委堪教授或學正錄教諭
如是已後但有虛冒不實發露到官止將教授量情降

罰教授恐其累已選舉庶可覈真仰依上施行奉此又承奉行中書省劄付亦為此事已經行下合屬學院依上施行去訖今擬依例保申體覆委用無得濫行差設相應一真儒碩學在先漏籍不能入學之人許召見任品官舉保隨例入學同赴月試如果性行純粹文學優長課試分數又居其上簾引中式教官籍其姓名候有降供名闕即令填補却不許泛行保舉審察得實罪坐舉主前件議得在先漏籍不能入學儒人如亡宋曾

經登科果有真才實學者許召見任品官保舉本學取其備細出身根脚轉申肅政廉訪司體覆相應籍記姓名候有降供名闕却合補填仍申行省照驗其餘不會登科而材學有用者亦許品官保舉隨例入學同赴月試如果性行純粹文學優長課試分數又居其上簾引中試教官籍其姓名候有降供名闕依上補填却不許泛行保舉審察得實罪坐舉主相應 一各處學校見有書板令教官檢校全者整頓成帙置庫封鎖析類架

閣母致失散仍仰各印一部及置買四書九經通鑑各一部裝背完整以備檢閱不許借借出學如有書板但有欠闕教官隨即點勘無差於本學錢糧內刊補成集前件議得除福州路儒學見在書板未全者督令逐時修補成帙專差職事二員掌管置庫封鎖析類架閣不致失散仍各印一部及置買四書九經通鑑各一部裝背完整以備檢閱不許借借出學但有欠闕令教官立便照勘見數於本學錢糧內刊補其餘路學一體施行

實為相應 一所在官司若將無籍儒戶妄行勾擾應
當雜役者許各處教官經申廉訪司并分司究治施行
前件照得至元二十六年四月內承奉前行尚書省劄
付准都省咨文應儒人詞訟除奸盜從有司歸問外其
餘公事並從約會不許有司徑直勾攝奉此又欽奉聖
旨節該在籍秀才做買賣納商稅種田納地稅其餘一
切雜泛差徭並行蠲免所在官司當加存恤欽此除欽
依外有各處官司往往將在學儒人勾充雜役經官陳

告不蒙改正今後若有似此妄行勾擾去後許令學官就申有司欽依施行如更不為改正許申廉訪司各路學就申分司究治庶幾有以副聖朝崇儒重道之美意

一隨處文廟或有損壞去處即仰教官就申提調官於本學係官錢糧內依公支破修蓋完備經行軍馬使臣人等毋得於內安下飲宴前件照得至元二十五年五月初七日承奉集賢院劄付該尚書省劄付設立江淮等處儒學提舉司管領學校贍士田土欽依至元二

十三年二月內都省奏准聖旨與了秀才除欽依外從
各道儒學提舉司點檢毋令教授濫支上下半年免行
供報行省宣慰司總管府除外仰照驗施行奉此又照
得至元二十九年正月十一日太傅御史大夫裕魯諾
延崔中丞慶安經歷奏過事內一件節該江南屬孔夫
子廟底田地依在前體例裏分付與各處孔夫子廟秀
才每為主每年那田地裏出來底錢糧呵修理孔夫子
廟春秋祭丁朔望祭祀者交教養人材者欽奉聖旨那

般者欽此今來議得隨處文廟或有損壞去處仰教官
從實檢計於本學錢糧公支修理將用過各各備細數
目開申儒學提舉司點檢備坐申覆肅政廉訪司照驗
外據車馬使臣人等於內安下飲宴福州路學已蒙肅
政廉訪司給榜禁約外其餘路學擬乞依例給榜禁約
施行 一該載不盡事理卑司議得聖門立教德行為
先以德勝才為君子才勝德為小人在前各處多有一
等豪華之徒口誦聖人之書身為市井之事教唆詞訟

交通貨賄妄稱風聞論官嚇吏濫占士籍有玷儒風今
仰各處教官常切訓誨在籍儒生務要讀書明理潔已
修身毋作浮辭以為訟師毋假衣冠以商財賄各務進
德修業以待選用如有違犯事發到官取問是實削籍
為民依例當差 一該載不盡事理卑司照得學院之
設賓序所以待一鄉之達尊謂其仕學兩優齒德俱備
可以儀表儒林綱維學校故待以賓客之禮而不敢列
於諸生也比年以來賓序員多其間有身未嘗歷官方

逾弱冠或冒稱先賢後裔或自謂顯官子孫課業不供
名籍徒掛似此若不遴選委實有愧作成今議得將亡
宋高科顯仕年高德劭者依舊令充賓序自餘年五十
以下及不曾歷任冒稱先賢顯官子孫之人並令與各
齋儒生一體供課籤講肄業庶幾月書季考成就人材
不負聖朝崇儒重道嚴加訓飭之意

劉付浙東
海右道

行省坐下監察御史申明學校規式

江浙等處儒學提舉司大德元年月承奉江南浙西道

肅政廉訪司指揮該奉行御史臺劄付該據監察御史
呈近為建康路儒學教授凡行文卷未審有無一體照
刷呈奉憲臺劄付該照得至元二十九年正月內准御
史臺咨奏過事內一件節該屬孔夫子廟底田地根脚
裏是秀才每置來底田地依在先體例裏秀才每為主
修理孔夫子廟春秋祭丁朔望祭祀者若有窮寒年老
無倚靠的秀才每呵那底每根底養贍者這般行呵是
底一般欽奉聖旨那般者欽此咨請通行各廉訪司常

切監臨體察無致中間冒濫作弊違錯仰依例施行承此體知建康儒學并上元江寧縣學及明道南軒兩書院除學官外名儒耆宿月支學糧養贍不一有每名一石者有五斗者有一名兩處支糧者有一家數口共食行供飲饌者有不係貧寒之士冒濫支請者又朔望拜謁課試程式規繩教養法度多不嚴整省會建康路經歷司逐一照刷取會明白從長講究遵行定例開坐具呈本路牒報去後今准牒該備本路經歷司呈依上與

各處教官山長一同取會得除南軒書院名儒耆宿自來不曾支請米糧外據路學明道書院上元江寧兩縣學取會到見議名儒耆宿月支米糧照得路學例該當學見設耆宿係至元二十六年正月內朝廷差來官托克托學士等官到來打算錢糧准報合該人員每月合支口糧五斗外據名儒不曾奉到上司明文差設今議得既無上司許設名儒明文擬合依例與耆宿一體每名月支米五斗及重支米糧儒人從例減併并照到一家

數口共食行供飲饌緣由講究到朔望拜謁課試程式
規繩教養法度府司看詳若依講究定逐項事理令各
處遵守施行實為便益開坐牒請照驗准此卑職看詳
如准所擬就令本路行下各學書院依上遵守仍委提
舉學校官常加主領毋致廢弛相應為此呈乞照詳施
行得此除學糧另行外照得先據福建閩海道肅政廉
訪司開申朔望陪拜課試聽講等諸事條理行下江東
道廉訪司令建康路儒學會集教授山長正錄教諭各

各職事人等講究得本道學校見行教養大畧相同已
經開坐遍下各道廉訪司行移所屬儒學一體施行去
訖今據見呈憲臺今將福建道元申今次監察御史所
呈事理開坐前去合下仰照驗行移儒學提舉司更為
講究就申合干上司照詳定奪施行奉此今將所奉各
項事理開坐前去合下仰照驗依奉行御史臺劄付事
理更為講究就申合干上司照詳定奪施行奉此本司
官與杭州路學官職人等公同講究得所奉行御史臺

劄付開坐學規各項事理於作成人材實為便益為此
開坐申覆江浙等處行中書省約詳定奪施行去後回
奉省府劄付來申學規各項事理乞約詳事得此省府
合下仰照驗就便行下各處儒學遵守施行奉此本司
除外今將所奉各項事理開坐前去合下仰照驗就便
行移州縣儒學依上遵守施行福建閩海道肅政廉訪
司元申開

即依前項行臺坐
下指揮內學規

監察御史今次所呈一

件儒生朔望拜謁照得各處元奉前儒學提舉司指揮

備奉江東建康道肅政廉訪司指揮承奉行御史臺劄付坐下學校便宜事件數內議得在籍儒人凡遇朔望不犯紅日並須詣學親書花名陪拜聽講雍容就列不得誼譁如有事故者先期具狀經教官給假附籍以憑稽考或未經請假妄稱事故而不赴學者從舉事檢舉具呈教官依例行罰將罰到鈔數令司罰置簿收掌以助修學或充課賞奉此即目各學概管儒人每遇旦望至日早到學親筆書單陪拜聽講今將各處概管有籍儒人

開坐于後路學總計一百九十五戶明道書院總計三十七戶南軒書院總計上元縣學總計三十八戶江寧縣學總計五十九戶前件講究得若令路學明道南軒書院上元江寧兩縣學各置簿籍教授印押將各處附籍儒人花名備細開寫凡遇朔望至日侵晨到學親筆書歷如有事故先期具狀經教官給假附歷以憑稽考或妄稱事故而不赴學者依例檢舉行罰仍將罰到鈔數委司罰置簿收掌以助修學或充課賞相應 一件

程式照得路學明道南軒書院上元江寧兩縣學見依
奉前儒學提舉司指揮備奉江東建康道肅政廉訪司
指揮承奉行御史臺劄付坐下學校便益事數內議得
儒人課試每月從教官出題或賦論經義史評之類在
籍諸生供本經全篇每五卷約取一名照舊例魁名三
分亞名二分次名一分半通榜者各一分教官考試逐
月載籍歲終計其數以考優劣如十二試積及十分者
次年正月內從教官申請本路文資正官廉訪司官詣

學集及分儒生簾引文義通暢者取首名申上司以憑
歲貢其餘籍記姓名所有十二試俱黜者降供一季發
付本學訓誨逐日坐齋習讀候降供滿日再行引試中
格許令回參其連三月不試者從教官議罰前件講究
得若將路學明道南軒書院上元江寧兩縣學考中儒
人花名試中經賦每月開申本路儒學轉申總管府照
驗仍將試中經賦裝褙成冊每季申解合干上司以備
歲貢相應 一件課試每月儒生五十歲以下者各供

月課孟月經賦仲月論季月經疑史評今取具到各處
合供課儒人花名開坐于後路學總計六十四名治經
儒人二十六名治賦儒人三十八名大學生員課試三
十歲以下者各各坐齋讀書延請講書訓誨每日每習
課業一六本經經義破題承冒賦破一韻二七本經經
義小經義賦省題詩三八經賦同律詩一首四九經賦
同古詩一首五十經賦同語孟口義食後出課習字說
書午前讀書午後供課呈教授晡後書名會食課辦方

許放學小學生員課試每日背誦隔日書授本日書出
本日課題律詩省詩對句登堂聽講食後習功課七言
律五言律絕句省詩隔對七字對五字對習字讀本日
書午食後習功課說書大學中庸論語小學之書通鑑
出晚對供晚對每月初三日引試每月十六日引試正
錄出題教授考校取中合格者前三名支賞每月十四
日試講每月二十九日試講明道書院總計一十四名
治經七名治賦七名大學生員課試三十歲以下者各

各坐齋讀書延請講書訓誨近因上年漂水州田土被
水淹沒無收止是旦望行供才於十二月初一日為頭
每日照舊例行供講課每日課治治經義者小經義冒
治賦者省詩午後納課呈山長晡後書名會食課辨呈
公堂放學小學生員課業每日從小學教諭出題授書
訓導每遇三日一次供詩每日背誦隔日書授本日書
出本日課題省詩對句食後習功課午後說書大學中
庸論語孟子小學之書通鑑出晚對供晚對南軒書院

大學生員總計八名治經二名治賦六名上元縣學大學生員總計七名治經一名治賦六名江寧縣學大學生員計一十一名治經三名治賦八名前件講究得若依目今課試相應 一件規繩法度取勘得路學明道書院兩處旦望每日依例講習外據南軒書院上元江寧兩縣學為是所出錢糧數少內南軒書院止於旦望誦說上元江寧兩縣學旦望講說一六行供講習課業旦望講書除教官正錄前廊耆舊朔望輪次講說外三

十歲以下十五歲以上儒人常川在學肄業每月朔日
教官預先於四書內出接題三章揭示廊廡聽其講究
精熟置立籤筒遍寫該講生員姓名至本月望日候登
講堂聽講畢請教官臨時掣籤引至案前對衆將朔日
題目講說望日依上就出講題次月朔日依前講說三
次文理不通者擬降供一季發付本學教導訓誨再行
習讀候降供滿日引上覆念講說文理通者許令回參
不通者從學官議罰其係籍儒人不依例赴學陪拜供

講生員於內多有恃頑見充行臺宣慰司廉訪司總管府典吏貼書者學校難以約束許教官具姓名申本路提調學校官照驗施行每日清早教授正錄直學者宿小學教諭大學講書六齋長大小學生員並登堂耆宿講通鑑一章然後會食儒生入學書名聽講畢行食輪請齋長一員常川在學率領生員輪請正錄一員下大學訓誨生員出題考試前件講究得若依目今規繩法度

教養相應

下各路學

行臺監察舉呈正錄山長減員

江東道宣慰司大德二年月呈據建康路申承奉行御史臺劄付據監察御史呈竊謂學校乃風俗之源教官不可不備選法有壅滯之患冗員不可不除為此檢會到至元二十四年省部准擬教官陞轉格例內散府諸州教授有闕各處學正一考之上陞充各處學正有闕學錄教諭一考之上陞充書院山長目今亦同學正一例陞轉間者卑職到湖廣省聞知本省管下儒學正錄

書院山長各設一員訪聞江浙江西等處多有濫設員數不能一一具呈畧舉建康一路府學除教授外見設學正三員學錄二員明道書院設山長二員南軒書院生徒錢糧最為鮮少亦設山長二員昭文書院別無田產儒戶虛設山長二員皆受行省劄付此等職員如歷一考之上必須給由求充府州教授再歷一任路學教授內選用今江南州郡教授窳闕常少而學正山長太多遷調之間欲無窒礙誠為難矣又恐因而奔競者進

教官不得其人恬靜者退真才不顯於世實非良便以此參詳學正山長既歷一考之上例陞府州教授學錄教諭亦得以次轉補宜從都省定額各處儒學學正錄書院山長每處存設一員多者革去額外不許濫設其無儒戶學田書院山長亦合減併不惟裁抑冗員庶少窒礙遷調據此合行呈訖照詳得此憲臺合下仰照驗就申宣慰司轉呈江浙等處行中書省照詳施行承此府司申訖照驗得此本司今備呈照詳施行

呈浙江等處行中書

省江浙等處行中書省大德二年二月劄付該照得大德元年三月十七日欽奉詔赦內一款節該官冗吏繁擾民害事從省臺合併裁減欽此近據江東道宣慰司呈備建康路申承奉御史臺劄付監察御史呈該為本省管下各處儒學職員數多宜從都省定額每處存設正錄書院山長一員多者革去等事仰就申宣慰司轉呈浙江行省照詳施行得此行據江浙等處儒學提舉司申叅詳江南儒學書院各有所管儒戶錢糧中間多

寡不同合先將各路府州正錄照依行中書省至元二十四年元咨都省定到員額路設學正有省委副教處設一員無省委副教處設二員諸州散府正錄各一員其餘宜從裁減外據各處書院山長於儒戶錢糧數少去處量減一員訖鈞詳事今斟酌定奪得除杭州路擬設學正二員學錄二員諸州散府正錄各一員書院有錢糧去處設山長二員無錢糧處止設一員其餘人數截日草去除已移咨中書省照驗外今將存設并裁減

人員開坐前去合下仰照驗依上施行所據減去人數

依例給由

劉付各道
宣慰司

行臺治書侍御史咨呈勉勵學校事宜

江南諸道行御史臺大德二年二月劉付該准本臺治書侍御史咨呈欽覲至元三十一年七月詔諭中外百官節該孔子之道垂憲萬世有國家者所當崇奉其贍學田土產業及貢士莊所出錢糧以供春秋二丁朔望祭祀及師生廩饍貧寒老病之士為衆所尊敬者月支

米糧優恤養贍廟學損壞隨即修完作養後進嚴加訓誨講習道藝務要成材若德行文學超出時輩者有司保舉肅政廉訪司體覆相同以備選用本路總管府提舉儒學肅政廉訪司宣明教化勉勵學校欽此又累欽奉聖旨條畫凡為學校公事責任廉訪司尤重今竊見各處所司官員反有不便於學校者謂如廟像制度釋菜禮儀乃三重所係凡有因革損益皆朝廷攷文之事或有官員徃徃以淺俗之見或道聽塗說之論來者輒

有去取而更定之不惟使有司無所適從又使天下禮
文不一又體覆秀才或經或史或詞賦或策論科通一
藝主司之官亦合度量我之能否然後考正彼之是非
有自來不通儒書亦自任責而體覆者及有假借於人
考校而見於公文者豈惟名識者之笑其於職分不無
欺罔之罪間有文章知名官員體覆不過當面應酬數
語及看所上詩文而已終無法式以別真偽一旦朝廷
責以罔濫其將何辭以對又有以己之好尚輒使師生

習於世無用之學徒費日月有悞後人又有將堂上前人所書扁額毀去以已之書劄換易不復存古又或風使學官板無益之書鐫不急之石剏建改作等事徒費學糧妄興工役反致妨廢生員事業有負朝廷任責勉勵之意合行咨呈伏請照驗詳酌戒約施行事准此照得至元十三年二月內欽奉聖旨宣諭內一款名山大川寺觀廟宇前代名人遺跡毋得毀拆欽此近為湖南道廉訪分司將濂溪書院亡宋御書省劄拘收及改塑

神像等事已經劄付本道欽依施行去後移准御史臺
咨該看詳諸處寺觀收頓古今書畫墨跡碑銘牌面處
處有之中間別無禁制此係動衆擾人事理難議施行
理合欽依聖旨事意修理學校歲時致祭聖帝明王忠
臣烈士移上都御史臺咨合准所擬相應准此通行照
會去訖又照得至元二十四年行中書省准中書省咨
節該為定奪儒學教授正錄資品事吏部參詳學校風
化之源必當謹擇師儒教育後進教官窠闕合令本路

推選才德服衆之人牒委文資正官覆察相應然後行
移本道按察司公坐出題試驗儻有不應罪及舉官另
行覆察官司如此似望革去濫保之弊又元貞元年正
月准御史臺咨節該奉中書省劄付禮部與集賢院學
士等官一同議得選舉教官已有考試定例隨處若有
所保人員令廉訪司嚴加體覆無得濫保又照得欽奉
詔書節該贍學地土產業又貢士莊諸人毋得侵奪所
出錢糧以供春秋二丁朔望祭祀及師生廩餼貧寒老

病之士為衆所尊敬者月支米糧優恤養贍廟宇損壞
隨即修完欽此除欽依外今准前因憲臺相度學校一
事任責非輕合下仰照驗凡事加謹遵守施行

劉付江
南浙西

道肅政
廉訪司

儒戶免差不以田畝為限

浙東道宣慰使司大德二年五月日劄付該准浙東海
右道肅政廉訪司牒承奉江南諸道行御史臺劄付准
御史臺咨來咨湖南道廉訪司申准永州路牒呈宣慰

使張正奉言儒戶田土以幾畝為率除免雜泛差役餘
上田畝與民一體差役免致偏負即係為例事理請會
議事准此照得欽奉聖旨節該孔子之道垂憲萬世有
國家者所當崇奉其贍學田土貢士莊田諸人毋得侵
奪作養後進務要成材凡廟學公事諸人毋得阻擾合
行儒人事理照依已降聖旨施行欽此回牒本路就申
合干上司去訖請照詳事准此本臺咨請欽依累降聖
旨事意施行准此憲臺除外合下仰照驗欽依累降聖

旨事意施行奉此除外合行移牒請照驗欽依累降聖旨事意施行准此使司合下仰照驗欽依累降聖旨事

意施行

劉付各路
總管府

臨江路差儒戶充役被問

江浙等處儒學提舉司大德二年十一月指揮承奉江南浙西道肅政廉訪司指揮承奉江南諸道行御史臺劉付照得至元二十五年十一月內欽奉聖旨節該尚書省奏江淮等處秀才乞免雜泛差役事准奏今後在

籍秀才做買賣納商稅種田納地稅其餘一切雜泛差役並行蠲免所在官司常切存恤仍禁約使臣人等毋得於廟學安下非理搔擾欽此又照得至元三十一年七月欽奉聖旨節該本路總管府提舉儒學肅政廉訪司宣明教化勉勵學校凡廟學公事諸人毋得沮擾擬合行儒人事理照依已降聖旨事意施行欽此除欽依外近據臨江路民戶何義狀告本路總管李倜不公事內一項將本管儒戶差充各鄉里正主首戶役責勒催

辦稅糧子粒酒課及勾攝雜事憲臺相度學校係人倫
風化本源累有欽奉聖旨責任廉訪司勉勵毋致廢墮
除將臨江路總管另行追問外合下仰照驗通行所屬
欽依累降聖旨事意施行毋致違犯奉此憲司合下仰
照驗通行所屬欽依累奉聖旨事意施行毋致違犯承
此本司除已行移各路府州司縣外合下仰照驗通行
所屬欽依累降聖旨事意施行

下各
儒學

欽定四庫全書

廟學典禮卷六

憲司舉明學校規式

浙東海右道肅政廉訪司大德三年四月牒照得立按察司欽奉聖旨條畫內一款節該所至之處勸課農桑問民疾苦勉勵學校宣明教化又欽奉聖旨節該今後應在籍秀才做買賣納商稅種田地納地稅其餘一切差役並行蠲免又欽奉詔書內一款節該學校之設所

以作成人材仰各處正官教官欽依先皇帝已降聖旨
主領敦勸嚴加訓誨務要成材以備擢用欽此除欽遵
外竊以學校乃風化之源人材所出之地凡在學者正
當勉勵業術講明道藝仰副朝廷崇重之隆近日以來
一等儒人不守元規惟知戶役之優免遽忘聖經之間
與朔望拜謁尚有闕禮坐齋肄業安有盡心近於三月
朔日司官詣婺州路學為見本學職員數少畧行點視
其不到者八十人及至講說有不通者十餘輩此蓋教

官教誨之無方抑亦儒生怠慢之所至憲司除另行外誠恐本路儒學亦有似此去處今將元奉行御史臺備到福建儒學提舉司講究到規式擬議責罰開坐前去牒可照驗行下合屬儒學一體施行 一在籍儒人凡遇朔望不犯紅日並須詣學親筆書名陪拜聽講雍容就列不得喧譁如有事故者先期具狀經教官處給假附籍以憑稽攷或未經請假妄稱事故而不赴學者從舉事檢舉具呈教官依例行罰將罰到鈔數委令司罰置

簿收掌以助公支或充課賞前件除依已行規式外如朔望妄稱事故不赴學者從本學檢舉初犯罰中鈔五錢再犯罰一兩三犯別議施行仍令教官置簿標附不到姓名并將罰到鈔數俱令司罰收掌公支 一朔望講書除教官正錄前廊耆舊輪次講說外三十歲以下十五歲以上儒生常川在學肄業每月朔日教官預先出題三章揭示廊廡聽其講究精熟置立籤筒遍寫該講生員姓名至今月望日俟登堂聽講畢請教官臨時

掣籤引至案前對衆將朔日題目講說望日依上就出
講題次月朔日依前講說三次文理不通者擬降供一
季發付本學教導訓誨再行習讀候降供滿日引上覆
念講說文理通者許令回參不通者從學官議罰前件
每月朔望行禮畢耆儒并生員各分等列雍容登堂就
坐不得喧譁依已行規式講說外再請行禮官抽籤於
中庸大學語孟內另提出一章令坐齋生員默說如有
不通者至期量議責罰二次不通者別議一儒人課

試擬定每月從教官出題或賦論經義史評之類在籍諸生各供本經全篇每五卷約取一名照舊例魁名三分亞名二分又次名一分半通榜者各一分教官考校逐月載籍歲終計其分數以考優劣如十二試積及十分者次年正月內從教官申請本路文資正官廉訪司官詣學集及分儒生簾引文義通暢者取首名保申上司以備歲貢其餘籍記姓名所有十二試俱黜者降供一季發付本學訓誨逐日坐齋習讀候降供滿日再行

引試中格許令回參其連三月不試者從教官議罰前
件除依已行規式外仍將每月已攷過課試文字於行
禮官處呈說驗其優劣 一在學儒人除前廊耆舊皆
亡宋登科貢舍之人逐月朔望輪次講書外東西序耆
儒內請每日登堂講通鑑一章然後會食儒生五十歲
以下者各供月課除孟月經賦仲月論俱各全篇季月
經疑史評三十歲以下者各各坐齋讀書訓誨每日各
習所業或雜文論冒小賦經義唐律之類期以成材十

五歲以下者另設小學一所教導二員逐日依小學規式教導施行前件除依已行規式外小學每日常川在學肄業朔望與儒生一般陪拜講書若朔望不到講書不通者將訓導坐不稱職之罪別議施行

牒紹興路

提舉柯登仕申明約會

江浙等處儒學提舉司大德三年五月日指揮該近准本司副提舉柯登仕牒會驗至元三十年正月內欽奉聖旨節該如今和尚一處先生每秀才每有爭差的言

語呵管民官一處休教問和尚每的為頭兒的先生每
的為頭兒的秀才每的為頭兒的一同問者麼道聖旨
了也欽此又照得承奉前江淮等處行尚書省劄付准
都省咨文該應儒人詞訟除奸盜從有司歸問外其餘
公事並從約會不許有司徑直勾攝奉此除遵依外今
來當職切詳和尚先生凡遇管民官司相關公事並從
約會歸問外據儒人但有干碍民訟其有司多不經由
儒學約問往往違例徑直勾攝泛行搔擾似與欽奉聖

旨事意并元奉都省元行事理相違牒請照驗備申江
南浙西道肅政廉訪司照詳乞賜行移各路欽依聖旨
事意并元奉都省定例事理依例約會歸問施行准此
照得近奉江浙等處行中書省劄付准中書省咨宣政
院呈至元三十年正月初九日阿都台集賽第一日奏過
事內一件托克托察楚克等行宣政院官人每與將文書
來這裏的和尚每先生每秀才每一處告爭差的言語
有呵和尚每的為頭兒的先生每的為頭兒的秀才每

的為頭兒的一同先生秀才每管民官根底私地下
去管着先生每的秀才每的為頭兒一同不問管民官與
管和尙的頭目一同問着如今和尙每的先生每的秀
才每的一處有着爭差的言語呵和尙每的為頭兒的
先生每的為頭兒的秀才每的為頭兒的一同問者麼
道與將聖旨來的說將來有俺商量的去年俗人與和
尙每有爭差的言語呵和尙每為頭兒管民官一同問
了斷者民官和尙每根底休教斷者麼道聖旨與將去

了來如今和尚一處先生每秀才每爭差的言語呵管
民官一處休教問和尚每的為頭兒的先生每的為頭
兒的秀才每的為頭兒的一同問者麼道聖旨與將去
呵怎生麼道奏呵那般者麼道聖旨了也欽此又照得
先承奉國子監指揮備奉集賢院劄付該據司直司呈
奉禮部符文該奉尚書省判送集賢院呈備國子監議
擬到江南各道儒學提舉司管領儒人遇有公事除犯
奸盜從有司歸問其餘一切事務並從約會呈奉都堂

鈞旨准呈送禮部行移合屬照會施行承此又承奉江
淮等處行尚書省劄付該准尚書省咨該集賢院呈據
浙東道儒學提舉司申到事內一件各道儒學提舉司
專一管領儒人但有與管民官司相關者管民官司並
不問事理輕重徑直勾攝泛行搔擾深為未便擬合照
依諸衙門體例約會事為此送國子監議擬去後今據
狀呈儒人遇有公事除犯奸盜從有司歸問外其餘一
切事務並從約會呈訖照詳事本院叅詳若准所擬相

應送禮部照擬得合准集賢院所擬都省准呈除外合
行移咨照會依上施行准此仰更為照會合屬依上施
行奉此除已依上施行外又照得近為學校便益等事
申奉江浙等處行中書省劄付該省府除儒戶差役并
約會歸問公事遍下合屬欽依聖旨事意施行外仰照
驗事承此除外今准前因本司叅詳儒人僧道與民間
相關詞訟公事明有欽奉聖旨事意并累奉都省定例
理合約會歸問近年以來有司往往多不約問一面徑

直勾攝深不副聖朝崇儒重道之美意如蒙行移各路
依例約問委為相應為此申奏江南浙西道肅政廉訪
司指揮該憲司除已行移各處依例約問外合下仰照
驗施行奉此儒司除外仰更為申覆本路并行移各州
及各州學書院合屬縣學一體依上約問施行

下紹興
路儒學

申明儒人課試

江浙等處行中書省大德三年十一月割付該近據建
德路申一等富戶不通文字計囑儒學官吏買作儒戶

與免差役得此議得真儒碩才固宜崇獎妄冒避役亦合沙汰如不考試無以辨別為此移准中書省咨照得先准咨文平江路申歸附以來於今二十四年富豪上戶詩書不通偽作儒人入籍除免差役皆及下民逼令逃竄擬合聞奏委官與廉訪官一同試驗中選者免差不中之人與民一體當差庶幾勉勵後學均平賦役送禮部議擬去後回呈照得至元六年四月內欽奉聖旨條畫內一款節該隨路雖有設到學官所在官司例皆

看同泛常不為用心勉勵以致學校之設有名無實仰各路所屬如遇朔望自長次以下正官同首領官率領僚屬吏員俱詣文廟燒香禮畢詣講堂同諸生講議經史更相授受日就月將政清民化欽此今承見奉本部議得江南儒人數多若便通行考試恐有動搖且如富豪之家子弟詐入儒籍或所作月課令人代筆者自是各處正官有失檢舉學官不能訓導致令有此欺弊若貧富賦役不均管民官當任其責以此叅詳平江路歲

辦錢糧誠為不細今後若有富强之家假托儒戶苟避
差役及係籍儒生令人代筆者宜從本路官及所在廩
訪司體察是實嚴加懲戒仍與民一例應當雜泛差役
本官亦須依例提舉學校毋致隳廢相應具呈照詳得
此施行間今准前因咨請照驗事准此省府合下仰照

驗施行

劄付浙東
道宣慰司

籍定儒戶免役

江南諸道行御史臺大德四年正月劄付據監察御

史呈會驗欽奉聖旨節該今後在籍秀才做買賣納商稅種田納地稅其餘一切雜泛差役並行蠲免所在官司常切存恤欽此又欽奉聖旨節該孔子之道垂憲萬世有國家者所當崇奉其贍學田土貢士莊田諸人毋得侵奪教養後進務要成材凡廟學公事諸人無得沮擾合行儒人事理照依已降聖旨施行除欽依外體知建康路總管府將本處在籍儒人欲與民戶一例推排里正主首為此追照得本路行卷該奉江浙行省劄付元

貞元年十二月二十五日欽奉聖旨條畫內一款節該江浙錢糧為數浩大元係富戶催辦今富强者苟避差役使下戶承充里正主首以致靠損貧民錢糧不能辦集仰照勘不以是何投下諸名色影蔽有田納稅富豪戶計從本省分間與其餘富戶一例輪當里正主首催辦錢糧應當雜泛於內若有疑惑不能與決者具由咨中書省定奪欽此仰委本路總管廉中議專一依上從公點差有田納稅富豪戶計應當里正主首仍將點差

定各戶花名田產攢造備細文冊申省各路備坐行下
所轄州縣依上施行為此看詳學校之設蓋人倫風化
所係實與各投下并其餘諸色戶計不同兼先欽奉聖
旨節該在籍秀才一切雜泛差役並行蠲免今奉聖旨
明交投下諸色戶計從江浙行省分間輪差若有疑惑
移咨中書省定奪今有司不加詳照將在籍儒人與民
一體科差有負聖朝崇儒重道之意擬合欽依累降聖
旨事意施行呈乞照詳又據江南浙西道肅政廉訪司

申照得尚書省至元二十五年十月二十有八日察察爾集賽第一日奉過事內一件秀才每做買賣呵與商稅者種田呵與地稅者其餘橫枝兒不揀甚麼雜泛差發休與者麼道執把著的聖旨索有俺商量的執把著的聖旨他每根底與呵怎生麼道奏呵那般者麼道聖旨了也欽此又至元二十六年正月內欽奉聖旨節該今後在籍秀才做買賣納商稅種田納地稅其餘一切雜泛差役並行蠲免所在官司常加存恤欽此又至元

三十一年四月內欽奉詔書內一欵節該學校之設所以作成人材仰各處正官教官欽依先皇帝已降聖旨主領敦勸嚴加訓誨務要成材以備擢用所在官司常與存恤欽此又至元三十一年七月內欽奉聖旨節該諭中外百司官吏人等孔子之道垂憲萬世有國家者所當崇奉本路總管府提舉儒學肅政廉訪司宣明教化勉勵學校凡廟學公事諸人毋得沮擾合行儒人事理照依已降聖旨施行欽此除欽遵外江浙等處儒學提舉

司及平江路儒學各狀申吳江州長洲縣將儒戶胡鏞
程淳祖朱應得謝歲孫違例差充各都里正主首等事
議行間今據儒學提舉司狀申元貞二年四月內承奉
江浙等處行中書省劄付欽奉聖旨節該據中書奏江
浙等處行中書省平章特穆爾穆爾布哈等陳說有力
富强之家往往投充諸王位下及運糧水手香莎糯米
財賦醫人僧道火佃舶商等諸項戶計俱各影占不當
雜泛差役止令貧難下戶承充里正主首錢糧不辦偏

負生受乞降聖旨事准奏內一欵節該仰照勘不以是
何投下諸名色影蔽富豪戶計從本省分間與其餘富
戶一例輪當里正主首催辦錢糧應當雜泛差役於內
若有疑惑不能與決者具由咨中書省定奪却不得因
而動搖違錯欽此分間到數內儒籍內自來委係儒人
合免里正主首雜泛差役仰欽依聖旨事意施行承此
又大德元年五月內據嘉興路學錄丁廉孫狀告係杭
州路附籍儒人寄莊田土坐落平江路常熟州被本處

官司差役等事申奉江浙等處行中書省劄付該省府
照得近欽奉聖旨節該江浙錢糧為數浩大照勘不以
是何投下諸名色影蔽富豪戶計從本省分間與其餘
富戶一例輪當里正主首催辦錢糧應當雜泛差役欽
此分間到合當合免戶計內和尚先生秀才各有所宗
自古稱為三教據儒籍內自來委係名卿大夫秀才戶
計擬合欽依累朝皇帝聖旨今上皇帝聖旨事意一例
除免已經遍行各處依上施行去訖仰照驗施行承此

又大德二年十月內承奉江南浙江道肅政廉訪司指
揮備奉江南諸道行御史臺劄付該為臨江路總管李
佃不公事內一項將本管儒戶差充各都里正主首戶
役責勒催辦稅糧子粒酒課及勾攝雜事憲臺相度學
校繫人倫風化本原累有欽奉聖旨責任廉訪司勉勵
毋致廢墮除將臨江路總管另行追問外仰遍行所屬
欽依累降聖旨事意施行毋致違犯奉此先為各路府
州司縣將在籍儒戶差充鹽局倉庫官攢催課頭目坊

里主首淘金戶等役申覆省府并肅政廉訪司已蒙遍
行各處欽依累降聖旨事意施行外據平江路儒戶束
元嘉鄧榮俞處仁張文彪嘉興路儒戶徐砥杭州路儒
戶家之巽張煥張拱謝晟孫趙由昇俞應模鄭淮劉松
慶元路儒戶袁桷袁棟紹興路儒戶王英孫陳恕可王
性之等各狀告被平江等路州縣官司差充里正主首
等役及有鉛山江陰等州將儒戶與民一體科差不便
又照得大德三年二月內欽奉詔書節該朕自臨御以

來日圖善治思濟天下之民詔書屢降而有司奉行弗
至以致恩澤不能下流欽此竊惟三教鼎立甚久而儒
教廼三綱五常所自出於世道為最切且以一二見用
者言之上而朝會祀典進賀表章下而案牘文移之事
皆出於儒所在有司獨欠優恤動輒差充里正主首或
擅敢勾擾或非理科敷不止一端假令儒戶數多及間
有近上戶計曾不及僧道五分之一况所有田地依例
輸納稅糧所免者徭役而已况欽奉累朝聖旨蠲免差

徭敦勸存恤兼儒人不係投下戶計若有司似前科擾
非惟有失國家崇儒重道之心亦且不稱見欽奉詔書
內恩澤下流之意擬合照依抄戶年分以籍為定其在
籍儒戶欽依累降聖旨事意蠲免一切雜泛差發似望
儒學不致廢弛人才有所作為此申覆省府照詳乞
賜通行合屬嚴加禁治今後毋得將在籍儒戶動搖差
擾欽依累降聖旨事意施行又恐各處學校將不係在
籍儒戶影蔽致使有司藉此為詞泛行科差遍行各路

儒學不得擅將不係在籍儒人影蔽戶役引惹違錯去
後八月初六日承奉江浙等處行中書省劄付該委係
籍定儒戶別無影占田土就便行移各處欽依累降聖
旨事意施行毋得違錯承此卑司除已移牒總管府及
各州行下合屬欽依累降聖旨事意施行外申乞遍行
各路欽依施行更賜備申江南諸道行御史臺行下浙
東江東道肅政廉訪司行移各路欽依累降聖旨事意
施行得此卑司申訖照詳得此憲臺除外合下仰照驗

欽依累降聖旨事意施行

劄付浙東海右
道肅政廉訪司

廉訪分司舉明體察

浙東海右道肅政廉訪司大德四年二月牒該准本道
監治台慶分司牒照得至元三十年七月內本道肅政
廉訪司承奉行御史臺劄付准御史臺咨承奉中書省
劄付禮部呈今後薦舉學職責任教授人員須要保結
所錄文字即非假手更須保結所錄文字委是中程堪
以傳授更須保結年高德劭今壽幾何委是為衆推服

又須保結委是堪充教授或學正錄教諭如是以後但有虛冒不實發露到官止將教授量情降罰教授恐其累已選舉庶可覈真如蒙准呈乞下照會都省除外仰依例體察施行又大德三年八月內本道肅政廉訪司體覆儒人各處保舉不一移准江南浙西道肅政廉訪司牒該照得至元三十年七月內欽奉聖旨節該諸路府州縣邑廟學書院作養後進嚴加訓誨講習道藝務要成材若德行文學超出時輩者有司保舉肅政廉訪

司體覆相同以備選用本路總管府提舉儒學肅政廉訪司宣明教化勉勵學校欽此詳看近年選用儒人例係教授應舉申覆本路總管府備牒廉訪司體覆有司轉申行省定奪今後從提舉司考較固為良便但有經本路保薦似與欽奉聖旨許從有司保舉體例相違合無循例先從教授舉薦申覆儒學提舉司考校中程移文本路總管府覈實保明牒呈廉訪司體覆回牒有司轉申行省緣係為例事理申奏江南諸道行御史臺劄

付仰欽依聖旨事意施行牒請照驗准此已經移牒各路行下儒學照驗去訖竊惟學校乃風化之源教官乃學校之綱苟舉用不得其人治教何由而生是以朝廷立法選士必憑鄉曲推舉年高德博性行修潔堪為後進師範者經由廉訪司體覆相同然後用之近年以來儒學提舉司不依元例恣意濫保年高德劭之士不得聞達年少德薄之人奔競冒進各處學職遂有重注重任待闕之弊盖由此始今巡按到台州本路備准儒學

提舉司保到儒人堪充教諭凡三十餘名雖連所業十篇不見是否親作當令教授繆若鳳將引各人赴司有趙趙不到者大半勉強赴司者十餘名及至命題考試其作文中程之士少害理訛事之輩多不能自教何以教人叅詳儒人始由教諭陞為正錄山長自山長受除教授俸給至厚出身甚優乃諸儒之領袖為士類之師範釋奠拜謁班居其上講書會課席坐其中體履之際不可不慎若使上下相蒙關節附會儒學視為奇貨而

泛濫保舉提舉以為文具而不曾考校各路看同泛常
既不覆實保明憲司若止憑虛文更不加意體覆縱令
晚進後士不通文學僥倖之徒冒濫充之不惟教養失
人學校不立其德行文學之士意以玉石混淆恥與同列
未免隱避山林恐有遺賢之患深不副國家建學立師
之初意除已行移台慶兩路并下儒學今後所選教諭
須要本學照依元例從公舉明年高才德兼備之士保
舉所業文字委是親作申覆提舉司考校中程本路覆

實保明方許牒呈體覆如有年少無學之人泛濫保舉
但有體覆不應先將元舉教授嚴行降罰有司提舉司
官別議施行外合行移牒請照驗更為會議行移各路
并提舉司依上施行准此牒可照驗依上施行

牒紹興路

行省差設教諭

江浙等處行中書省大德四年六月劄付照得近准中
書省咨禮部呈照得在先循行選取教授格例皆憑本
路保申抄連廉訪司體覆相同牒文委是年高德劭學

問該博士行修潔恬退自處不求聞達堪充師範之人
充應仍將本人親筆文字十篇申部行下集賢院司直
司轉申本院下國子監考試中程司直司申部就便於
教官內銓注元行如此近年以來各路所申止憑散儒
人告狀保舉到上文字別無儒學正官重甘保結上下
相蒙關節附會往往將少年晚進保充學官雖有文字
十篇亦未知本人親作或假手於人監學攷校有稱可
以模範一路者有稱可學正錄教諭者又各高下不等

即目四方保牒填委人人希望教授耻作以次學官窠
闕塞滿調選誠難本部切詳一方教授瞻仰師尊釋奠
焚香班在諸儒之首講書會課坐居正席之中生員聽
其傳經路官與之抗禮若用晚進年少恐難壓服人心
果能顏淵德行賈誼高才不拘此限而又今見任教授
月有俸祿任有出身豈宜虛通人情縱令散儒濫保莫
若立法今後薦舉學職責任教授人員須要保結所錄
文字委是親作堪以傳授又須保結委堪充師範或學

正錄教諭如是以後但有虛冒不實發露到官止將教
授量情降罰教授慮其累已選舉庶可敦真如蒙准呈
乞下照會然此誠恐未當具呈照詳施行都省除已劄
付御史臺依例體察外咨請照驗遍行合屬依上施行
准此已經行下各處照驗去訖省府議得竊謂開設學
校置立教官宏聖人之道談聖人之經務以養人材正
彝倫美教化移風俗其意可謂盡善盡美矣近年以來
儒風浸壞富家之子急於仕進謁托經求各路儒學往

往徇情保舉提舉司校勘虛加褒獎廉訪司體察相應
一牒有二三十名照得即日到省學官已有五百八十
餘員山長學正窠闕僅有一百餘處又提舉司縣設教
諭二員見在守闕復有四百之上似此泛濫員多闕少
久而不能遷調使真才實學之士一概沉滯甚不副國
家設立學校之意腹裏縣家教諭俱受中書吏部符文
本省管轄所教諭提舉司委付出身既與學錄一體教
諭亦各受省劄除於到選人內通行挨次銓注外合下

仰照驗即將提舉司所設人員截日革去今後果有德業優長堪為師範者儒學從公薦舉行移廉訪司逐名依例體覆繳連的本牒文申省施行

下儒學
提舉司

成宗設立小學書塾

江浙等處儒學提舉司大德四年六月指揮該承奉江浙等處行中書省劄付該據建康路申勉勵學校擬於請糧儒人內遴選堪為師範之士於各鄉每都創立小學書塾一處訓習生徒申奉行御史臺劄付該化民成

俗莫善於學若准儒學提舉司所言各路一體設立實為盛事仰就申合干上司施行乞照驗事得此會驗欽奉聖旨條畫內一款節該今後每社設立學校一所擇通曉經書者為學師於農隙時月各令子弟入學先讀孝經小學書次及大學論孟經史務要各知孝弟忠信敦本抑末依鄉原例出辦束修如自願立長學者聽若積久學問有成者申覆上司照驗欽此今據見申省府除外合行仰照驗依上施行奉此照得近准建康路牒

准北路總管廉中議開學校乃作養後進之地除路州
縣學書院各設小學教諭教習生員外擬請糧耆儒人
內遴選真材實學前輩典型堪為師範之士在城八隅
各設小學書塾一處訓習生徒作養後進在塾生員晨
昏便於修讀或能擔簦負笈不遠千里而來者皆所不
拘若夫束脩如其父兄有樂教子弟之心隨宜多寡供
送各從其便為師尊者常體教不厭誨不倦之意如遇
朔望令各塾師儒率領諸生前詣學院觀禮使知學校

規繩期成遠大之器其餘州縣擬於各鄉每都依上創
設立小學書塾近者每月赴學鄉村遠者不須赴學仍
開坐設立書塾去處員數申覆照驗庶幾將來可有稽
攷准此行據本路儒學并各州縣儒學各狀申依上於
請糧儒人內選擇設小學書塾訓習生徒外今將各州
司縣設立書塾去處開坐前去請照驗施行准此儒司
叅詳古者家有塾黨有庠街有序所為作養後進莫先
於此今建康路坊隅鄉都擬設書院似為相應申奉省

府劄該照得欽奉聖旨節該應設廟學書院作養後進
嚴加訓誨講習道藝務要成材本路總管提舉儒學肅
政廉訪司宣明教化勉勵學校凡合行事理照依已降
聖旨施行欽此除欽遵外今據見申除已劄付建康路
就便申覆行御史臺行下廉訪司講究擬議可否施行
外仰照驗施行奉此已經移牒建康路并行下本路儒
學依奉省臺事理施行去後今奉前因儒司除外合下
仰照驗於本處請糧儒人內遴選真材碩學堪為師範

之士并合設去處擬定官吏保結申司施行

山長改教授及正錄教諭格例

江浙等處行中書省大德五年六月劄付准中書省咨吏部呈奉省判元呈江南書院山長改設教授又教官額員陞轉等事於大德四年六月內約會到翰林國史集賢院禮部官等一同議擬到下項事理具呈照詳得此都省除外咨請照依區處定奪事理施行准此除外省府合下仰照驗照依中書省咨文內事理濫用員數

盡行革去仍照勘亡宋歸附以前合設書院去處所出
學糧多寡歸附後創設去處目今有無學田通行照勘
明白備細開坐同合設教官額員并各各到任月日一
就開申外據見設教官并以後補替人員依上季報施
行一江淮迤南書院改設教授照得至元二十一年二
月呈准中書劄付近為江淮見設提舉學校官各路亦
有設者此職與教授等學官其品級相懸於義未當兼
南方府州軍縣學校書院所在皆多若不定立學官員

數及各分品級使高下合宜以備將來陞轉南方選到文儒之士可為後進師範者何以處之為此送吏部與禮部翰林國史集賢院一同議得南方前進士可為師範者多魚所在學校書院俱有錢糧足以贍給使教官得人職業修舉作成人材以備他日選用其於治化本原所繫甚重緣自歸附之後老成前輩怙於進取各處保充教官者其學問才德往往不壓人望近年以來一道既設提舉學校官各路又設提學既與教授並為學

官教授而下又有訓導提點錢糧等職名不惟品級相懸於義未當而官冗人濫深為不副上司崇重師範樂育人材之意議得隨路教授學正學錄師範後進作養人材誤述進賀表章考試歲貢儒吏資品雖輕責任實重若非公選博學洽聞有德之士將見幸門一啟賢不肖混淆雖欲盡革前弊不可得已今擬到江淮學官格例乞照詳都省除革罷各道提舉學校官并訓導提調錢糧等官聞奏外餘准所擬仰照驗施行數內開項該

江浙學官各路擬設儒學提舉一員教授一員學正一員學錄一員直學二員散府諸州并各處書院擬設教授一員學正一員學錄一員直學一員教授祇受勅牒學正擬受行中書省劄付學錄教諭拘該行中書省親臨路分擬授本省劄付外宣慰司所轄去處並受本司付身直學止從本路出給付身各路儒學提舉與教授一同管領學事學正學錄不得連銜簽署文簿府州并各處書院准此直學掌管本學田產屋宇書籍祭器一

切文簿并見在錢糧凡有支發並聽提學教授公議區處
明立案驗不得擅自動支違者從教官申覆本處官司截
日黜罷選取陞轉例儒學提舉擬從七品以前進士到選
相應人充三年為一任滿日再歷別路一任依例於司縣官
內選用其已除資品高者依驗前資陞轉各路教擬從八
品以前進士及學問該洽士行修潔為衆推服提刑按察
司體覆申臺呈省到部相應人充三年為一任滿日再歷別
路一任依例於從八品司縣官內選用若儒學提舉有闕亦

擬銓注散府諸州并各處書院教授正九品依上選注以三年為一任遷充各路教授無闕止於本等窠闕內更歷一任依例於從八品司縣官內遷用學正學錄教諭以儒業優長士行修潔曾得鄉漕薦為者從本路行移本道提刑按察司體覆相應回准公牒然後保申合屬上司備呈行省直學從在前職事人內選保性行端方才幹通敏者充依例出給付身散府諸州并各處書院教授有闕各處學正歷一考之上者陞補各處學正有闕學錄教諭一考之上者

陞補學錄教諭有關於直學內選保陞補並依例體覆
申呈各道提舉學校官員並訓導提點錢糧等職名並
擬草罷仍令各處文資正官一員專一提調承此除遵
依外照得江南各道書院山長俱各不曾換授勅牒止
令行省就委每處別無額員勾當一考轉充府州教授
今見到部者已積二百餘員不能遷調為此移准集賢
院關於江南學田冊內照到書院地產錢糧三十二處
照不見五十二處本部參詳擬合照依至元二十一年

都省與翰林集賢院講究定事理比依府州設立教授其行省所委山長並行草去實為便益外據未經照勘書院合咨行省依上照勘各各是否應設去處開坐地頃糧數以憑定擬相應又准集賢院關照得除學田錢糧外今將江南各處見設書院處所開坐開請照驗准此前件講究得江南書院始因前賢而置其訓誨生徒作養人材與夫地產錢糧不在府州學校之下且山長俱係行省委用別無額員止歷一任轉充府州教授致

使員多壅滯不能調用宜准吏部已擬額設書院四十
六處每處改設教授一員却將見有山長盡行革去豈
增廣窠闕實塞行省冗濫之源外據新設書院三十七
處若便一體置立未諗是否必合專設或宜減併合咨
行省從公講究各各應設處所同地產錢糧一就開咨
至日定奪相應本省額設浙東浙西道杭州西湖嘉興
宣公湖州安定平江學道和靖鎮江婺州麗澤台州上蔡
紹興稽山衢州柯山温州永嘉江東道建康明道南軒

太平天門徽州紫陽饒州鄱陽樂平州慈湖信州廣信
鵝湖象山鉛州宗文池州齊山福建道建寧武夷初設
浙東浙西道常州龜山建德釣臺紹興蘭亭右軍高節和靜
慶元慈湖州石發州月泉衢州明正清獻崧高處州獨峯
石洞明善鎮江茅山嘉興傳貽江東道太平東軒采石
餘干州忠定石洞浮梁州長鄉雙溪信州道藍山德興
初菴饒州錦江徽州晦菴前件議得江南書院額設去
處每處准設山長一員餘悉罷去仍照勘亡家歸附以

前合設去處所出學糧多寡歸附後初設去處目今有
無學田通行照勘明白備細開坐咨來外據改設教授事
理候照勘見數至日商議行省所轄儒學教官額員陞
轉等事照得至元二十一年二月呈准中書省劄付腹
裏儒學教官例路教授擬設一員學正學錄各設一員
散府上中州設教授一員下州設學正一員縣設教諭
一員除教授祇受勅牒學正受中書省劄付學錄並受
吏部付身路府州縣各添設直學一員止受本路付身

勾當各處教授以三年為滿依例遷調須歷兩任所據路
教授遇有闕員散府上中州教授歷一考之上者陞補
各處學正有闕學錄教諭歷一考之上者陞補學錄教
諭有關於直學內選保陞補並依例體覆申呈如未有
闕員依舊勾當遇闕依例陞補江淮儒學各路擬設教授
一員學正一員學錄一員直學二員散府諸州并各處書
院擬設教授一員學正一員學錄一員直學一員各縣
擬設教諭一員上項合設教授祇受勅牒學正受行中

書省劄付學錄教諭拘該行中書省親臨路分擬受本省劄付外據宣慰司所轄去處並受本司付身直學於本學在前執事人內保選性行端方才幹通敏者止從本路出給付身勾當散府諸路并各處書院教授有闕各處學正一考之上者陞補直學於本學在前執事人內選保性行端方才幹通敏者充依例體覆申呈未有闕員依舊勾當承此近為江南儒學教官員多闕少不能調用擬將各處書院山長罷去照依舊例改設教授

品同府州陞轉庶草泛濫以此具呈未蒙明降今來本部照得即目在選教授二百餘員若止及此尚且數年注受未畢况又續到者亦未見數以此論之蓋是各省不依元額又不循資一槩差役僅能及考輒便保陞既到省部為無稽考止憑元咨俱轉教授夤緣壅積賢否混淆冗濫之弊實由於此今若必欲更革當清其源叅詳行省所轄儒學教官合與腹裏一體路設教授正錄各一員散府上中州止設教授一員下州并書院各設

學正一員縣設教諭一員餘皆盡行革去如遇闕員止於學錄教諭內遞進實歷一任之上依例陞轉並要體覆若果以德行才能難拘常調直舉學正者亦須明白體覆相應兩任之上方許遷用如蒙准呈移咨行省取勘合設教官額員并各到任月日開咨本部置立貼黃以憑照勘以後補替人員亦行李報依例標附如此則庶幾事有關防人易調用前件講究得除書院已設教授外行省所轄儒學教官額員并陞轉等事合依吏

部已擬相應前件議得除所設書院學正不設外教授
學正錄教諭照依腹裏例一體設立濫用員數盡行草

去餘准吏部所擬施行

下儒學
提舉司

